



N°907
Entrée le 19.06.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 20.06.2024

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 19/06/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir den Interieur & Wunnengsbau weiderzeleeden.

Beim Wunnengsbau hunn d'Gemenge vill Verantwortung. Esou sinn d'Gemengen zoustänneg fir d'Baugeneemegungen op hirem Territoire. D'Baugeneemegung gëtt ausgestallt, wann ee Bauplang konform ass mat de Gesetzer, Gemengereglementer a groussherzogleche Reglementer, déi an der Matière existéieren.

Mat der Baugeneemegung dierf ee Bauhär dann ufänke mat bauen. D'Gebai muss dann no de Pläng gebaut ginn. No der Fäerdegstellung vum Gebai muss d'Gebai esou stoen, wéi et um Bauplang uginn ass.


An deem Zesammenhang wéilt ech de Ministeren dës Froe stellen:

1. Wat muss eng Gemeng nom Fäerdegstelle vun engem Wunnegebai kontrolléieren?
2. Falen ënnert d'Kontrollen duerch d'Gemeng och technesch Aspekter, wéi zum Beispill, dass d'Ofwaasserleitungen esou installéiert sinn, wéi se um Bauplang agezeechent waren?
3. Wéi muss eng Gemeng handelen, wann de Bau net dem Bauplang entsprécht, fir deen d'Baugeneemegung erdeelt gouf?
4. Wéi eng Derogatiounen kënnen gemaach ginn, wann ee Wunnegebai net der Baugeneemegung entsprécht?
5. Ab wéini kann d'Gemeng fuerderen, dass ee Bau muss ofgeännert ginn, wann en net dem Bauplang entsprécht, fir deen d'Baugeneemegung erdeelt gouf?
6. U wie kënnen d'Bierger:innen (zum Beispill concernéiert Noperen) sech wenden, wann si wëssen, dass ee Gebai net der Baugeneemegung entsprécht?

Mat déiwem Respekt,



www.piraten.lu



GOERGEN Marc
Deputéierten

